

施南府志卷之二十七

知施南府事王協夢監修

藝文志

史志藝文皆錄典籍卷目不及詩文湖北通志亦循此例各郡邑志則雜收詩文典籍或反闕焉蓋一都一邑著述罕覯不足以備外史之紀也施志舊無成書昔賢遺典半歸零落至於殘碑斷碣之留傳學士文人之記錄紀山川詠風土方志猶有取焉是亦考鏡之資也志藝文

施南府志

卷之二十七

藝文

一

詩

鄭典設自施州歸

唐杜甫

吾憐滎陽秀冒暑初有適名賢慎出處不肯妄行役旅茲殊俗遠竟以屢空迫南謁裴施州氣合無險僻攀援懸根木登頓入天石青山自一川城郭洗憂戚聽子話此邦使我心悅懌其俗則淳樸不知有主客温温諸侯門禮亦如古昔敕厨倍常饜杯盤頗狼籍時雖屬喪亂事貴當匹敵中宵愜良會裴鄭非遠戚羣書一萬卷博涉供務隙他日辱銀鉤森疎見矛戟倒屣喜旋歸畫地

求所歷乃聞風土質又重田疇關刺史似寇恂列郡立
競惜北風吹瘴癘羸老思散策渚拂蒹葭寒嶠穿蘿葛
羸此身仗兒僕高興潛有激孟冬方首路強飯取崖壁
嘆爾疲駑駘汗溝血不赤終然備外飾駕馭何所益我
有平肩輿前途猶準的翩翩入鳥道庶脫

贈裴施州冕

廊廟之具裴施州宿昔一逢無此流金銀大鏞在東序
冰壺玉衡懸清秋自從相遇減多病三歲爲客寬旅愁
堯有四岳明治理漢二千石真分憂幾度寄書白鹽北
施南府志卷之二十七藝文二
苦寒贈我青羔裘霜雪迴光避錦袖龍蛇動篋蟠銀鈎
紫衣使者辭復命再拜故人謝佳政將老已失子孫憂
後來况接才華盛

把酒問月

李白

青天有月來幾時我今停杯一問之人攀明月不可得
月行却與人相隨皎如飛鏡臨關綠烟滅盡清輝發
但見宵從海上來寧知曉向雲間沒白兔擣藥秋復春
嫦娥孤棲與誰鄰今人不見古時月今月曾經照古人
古人今人若流水共看明月皆如此惟願當歌對酒時

月光常照金樽裏

送張拾遺赴施州司戶

釋貫休

道之大道古太古二字爲名爭莽鹵社稷安危在直言
須歷堯階搥諫鼓恭聞吾皇至聖深無比推席卻几聽
至理一言偶未合堯聰賈生須看湘江水君不見頃者
百官排闥赴延英陽城不死成令名又不見仲尼遙奇
司馬子佩玉垂紳合如此公平公平施之掾江上春風
喜相見畏天之命復行行芙蓉爲衣勝絕絹好音入耳
應非久三峽聞猿莫迴首且罨千年羹醉巴酒

施南府志

卷之二十七

藝文

三

送喬施州

宋蘇軾

恨無負郭田二頃空有載行書五車江上青山橫絕壁
雲間細路躡飛蛇雞號黑暗通蠻貨蜂鬧黃連採蜜花
共怪河南門下客不應萬里向長沙

將次施州先寄張十九使君

黃叔達

書來日日覺情親今信施州是故人許我投名重入社
放狂作惱未應嗔

一別施州向十霜傳聞佳句望風降空卷不易當堅敵
振臂猶思起病創

題小猿叫驛

黃叔達

大猿啼罷小猿啼，箐裏行人白晝迷。
惡藤牽頭石齧足，媼攜兒隨泣陸續。我亦下行莫啼哭。

次韻荅清江主簿趙彥成

黃叔達

日轉溪山幾百遭，厭聞虎嘯與猿號。
笙歌忽把二天酒，風雨猶驚三峽濤。
已作齊民尋要術，安能痛飲讀離騷。
看君自是青田質，清唳常聞徹九臯。

和張仲謀送別

黃叔達

夜郎自古流遷客，聖世初投第一人。
不是施州肯回首，

施南府志

卷之二十七 藝文

四

五溪三峽更誰親

又

黃叔達

五溪三峽漫經春，百病千愁逢故人。
何故看君歲寒後，欲將兒女更論親。

題驢瘦嶺馬鋪

黃叔達

老馬飢嘶驢瘦嶺，病人生入鬼門關。
病人甘作五溪臥，老馬猶思十二閑。

上南陵坡

黃叔達

風餐水宿六千里，蛇退猿啼百八盤。
上得坡來總歡喜。

摩圍依約見峰巒

次浮塘驛見張施州小詩次其韻黃叔達

歎息施州成老醜當年玉雪瑩相照
舊時去天一尺五今日萬里聽猿叫

馬上口號呈建始李令

黃叔達

驛亭新似眼般明
箐路開如掌樣平
誰與長官歌美政
風搖松竹是歡聲

石通洞

黃庭堅

古木蕭蕭洞口風
昔人曾此出樊籠
崖前况有涓涓水
施南府志卷之二十七藝文

五

好滌塵襟去效翁

通天洞

張綱

人道潛通小有天
由來神物鎮山川
蒼生切切思霖雨
試問龍曾在此眠

石通洞

柴勝非

涪翁詩名垂宇宙
李杜摧鋒君殿後
山川草木經品題
千古佳名長不朽
中年微累謫黔中
石通曾運羲之肘
不獨鄉人敬重之
神物堪持百年久
我昔涪溪口留崖遊
敬誦君詩三四首
至今聲價重瀟湘
一字千金猶奉售

石通當在伯仲更藉文人開口

羅蓋山

張顥

道蓋原非蓋言羅不是羅只因山突起箇箇盡如螺

通天洞

明沈慶

勝日尋芳蹟山中洞府寬碧桃千樹古流水一溪寒
伏丹應結雲凝龍尚蟠登天知有路卽此踏青鸞

蠻王塚

沈慶

路口蠻王塚蠻王塚已蕪高崖留夕照古木噪飢鳥妖
血腥猶在狂名世尙呼聖朝欣混一尺地入輿圖

施南府志

卷之二十七 藝文

六

圓通寺

沈慶

凌空梵宇鬱嵯峨暇日登臨景最多崖瀑布晴飄素練
山雲風捲漾青螺經緇貝葉爐薰裊刻轉蓮花午漏過
勝地難逢幽賞愜遂令塵慮頓消磨

問月臺

沈慶

銀蟾初挂畫樓東皎潔清光萬里同樂奏有人開綺燕
鯨騎無客寄仙風迢迢涼夜星河迴漠漠遙天寶鑑空
鶴警欲披誰共賞朗吟疑在月明中

洪崖山

沈慶

聞說洪崖絕頂幽赤城霞舉碧雲頭光搖淺渚丹砂炫
色映遙空火齊浮鸞鳳翥時偏趁晚雁鴻賓處最宜秋
會當月白風清夜應有仙人跨鶴遊

興國寺

在咸豐

沈慶

公餘幾度訪招提寶殿陰廊入望迷曲曲澗幽雲作路
登登山險石爲梯忘情駐節從吟賞適興凭闌任品題
珍重道場傳世業宗風千古繼曹溪

寄施州衛黃經歷

詩

蕭榮

丙臺久羨無雙士臬府初推第一人親見至公權國法
施南府志

卷之二十七

藝文

七

幾將剛直犯龍鱗春辭天府花千樹秋到清江月一輪
有道自應舒復卷相逢莫恨別離頻

贈建始令譚朗然

張居正

天涯人去倍離憂故國情多感昔遊燕市有金神駿老
長門無賦翠娥愁雲邊鳥送青鳧下峽裏江翻碧樹浮
白帝城頭天萬里相思應上最高樓

大觀閣

城南門外文昌祠後

鄒維璉

良朋招我遊選勝大觀閣河水深如帶羣峰列成幄最
高客星山空翠飛相泊鳥若叅禪鳴花疑說法落嗟哉

人世間百年苦塵縛，謬以隋侯珠輕彈。千尺雀所以瞿
曇子出世稱極樂，李公戴髮僧。鮑君修翎鶴，刹那西方
移口中蓮花灼。

澄清閣

鄒維璉

世間快意在何處，山水卜築軒當樹。雙柑斗酒一碁枰，
圖書萬卷供朝暮。客來彈碁始罷觴，人生得此樂事長。
摩詰曾構輞川莊，歐公亦有六一堂。君家高齋面山水，
暮樹重重烟霧裏。羈客何幸嘯咏來，座上清風兩腋起。

問月臺同李一鳳張三陽小酌

鄒維璉

施南府志

卷之二十七 藝文

八

碧波湧出孤峰起，浩蕩乾坤雙眼裏。四山盡列翠圍屏，
當前一灣衣帶水。登高俯視下界小，城郭烟樹相繚繞。
月上江山清復清，方丈蓬壺共潔皎。天設形勝謫仙來，
探奇占作問月臺。月在臺空謫仙去，何人更舉臺上杯。
李公原是太白身，張公飲中八仙人。詩聖草聖依然在，
攜我捫蘿躡嶙峋。青天作幔地作榻，白雲當帷草當茵。
壺不必千鍾酒，一笑已清萬里塵。每羨前輩風流古，
今日名山君作主。自有天地有此山，何爲茲山重茲土。
登高覽勝峴山同，感慨不獨晉羊祜。

問月臺

鄒維璉

旅邸春歸賦早梅遐荒千古一亭開山多文筆叅天出
江有清流遶郭來自別豫章寒雁少更堪巴峽暮猿哀
幸逢此地名公蹟把酒時登問月臺

象耳山

鄒維璉

清虛一閣逼天宮上帝眞堪呼吸通山似衆星紛拱北
江如四瀆遠朝東參差古木紅塵外縹渺香烟碧落中
欲訪廣成聞至道登臨疑此是崆峒

大莫園

城南門外李一鳳別業

鄒維璉

施南府志

卷之二十七 藝文

九

開園闢徑瞰滄浪招客亭臺綠草芳
輞水莊中詩作畫浣花溪畔草名堂
閑來隱几聽天籟嘯罷鳴琴送晚鶻
我愧羊求君許過白雲明月滿山房

戊施一載蒙詔放還且奉南太僕少卿之命留別

鄒維璉

匹馬蕭蕭自此東關河晴雪逗春融
學經患難方知淺詩到窮愁尙未工
雨露一天君德大風烟萬里友情同
江干別後懷人夢猶在仙亭問月中

流落南冠學楚吟故園遠隔白雲深
敢期湯網開三面

已信槃瓠老一岑忍死快聽明主詔放歸猶是歲寒心
停驂握手臨歧處轉眼吳門不可尋

鐵溝

鄒維璉

劫火從教海底燒鐵心堪對鐵溝遙千年詞客題詩在
不與滔滔水共消

客星山

鄒維璉

青山何惜客星名幾度星移山自青我作客來君作主
煩供佳色到園林

猿啼山

鄒維璉

施南府志

卷之二十七

藝文

十

巴山何處不猿鳴今古偏傷逐客情猿自善啼吾善笑
誰云墮淚只三聲

清江

鄒維璉

滄浪幾處聽漁歌好解塵纓濯此波莫說涓涓衣帶水
還將一勺小黃河

題衛城

衛治諸水環流形若樓船

鄒維璉

萬里滄溟天際開探奇直欲問蓬萊夜郎有力舟能運
徐福頻來人未回潮捲岡巒蛟亂舞城環堞雉鷁飛來
殷勤分付操舟者莫道東洋那一隈

連珠嶺

黃溥

郊外春晴賦勝遊無邊風景入盈眸
水聲帶郭清堪掘山色連天翠欲流
路隔紅塵江口寺雲迷畫棟戍邊樓
夕陽吟罷應回首贏得新詩滿擔頭

開元寺

黃溥

致齋信宿寓開元爲喜山居隔市塵
門抱玉虹雙澗合窗推螺髻兩峰圓
無聲葉墜珠林樹不老花開寶地蓮
坐久悠然塵慮息始知方外好逃禪

梅溪

黃溥

施南府志

卷之二十七 藝文

十一

別業迢迢遠世塵就中光景四時新
斑鳩喚雨千峰暗黃犢催耕百畝勻
路曲疑通盤谷阻園青分得鹿門春
將軍花下開樽處明月天邊共主賓

客星山

黃溥

清江之山天下奇客星峙立無與齊
低處猶疑紅日近高處恍覺青天低
羣峰落落何巖業欲斷不斷如劈鐵
雲間樹色自遠近雨後嵐光靡斷絕
千巒萬岫勢壓天憑凌五岳冠山川
白鶴元猿歲相侶幽花野草春爭妍
孤高自是施之望左右羣山皆退讓
瀑流不數廬山雄

奔騰直下三千丈丹崖翠壁高重重閭風元圃疑相通
遊俗豈無曠世士採芝應有商山翁君不見太白人中
仙謫仙於此曾盤旋又不見涪翁千載士居黔訪舊亦
游此到處景物皆品題何事茲山無一語山用靈秘豈
待時後三百年來何遲勝跡二公探索徧敢誦前賢畏
後詩我有烟霞想欲賦汗漫游呼風乘雲駕黃鵠扶搖
直上最高頭萬里銀河可飛越遨遊擬叩元皇闕下與
濁世掃秕糠上挾青霄扶日月功成追逐浮邱翁冥鴻
杳秋濛濛便欲與君飲一斗醉後拔劍斫取十二青

施南府志

卷之二十七

藝文

三

芙蓉

勸農臺

城東五峰山峽口

黃溥

布穀聲乾雨初歇年年忙殺春三月大兒扶犁小兒耜
新婦插禾阿姑饁沾體塗足不爲辱但願時和生事足
大麥垂黃小麥青晚稻含華早稻熟木綿可紡麻可績
蠶絲在繰布方織年豐祇足償逋租幸免官家多督責
田家但了公家債更賀昇平時運泰

清江

黃溥

清江浩浩天際來春波萬頃青於苔清江遷人事幽討

山所載酒相徘徊城南山水更奇絕客星翠若終南結
文峰兩點青插雲西嶺千尋寒積雪翠濤丹嶂遙相連
天邊隱隱開金蓮大河一線抱城下流觴勝迹今猶傳
良疇幾處帶山郭茅屋人家尤寂寞麒麟溪合梅溪水
龍首五峰珠錯落觀瀾亭在江之濱空虛路僻無纖塵
開元寺廢今復創覽勝能無千載人釣魚臺空峙江渚
倚權臺邊一延佇山色晴迷遠岫雲灘聲寒瀉長空雨
長灘北去灘復灘扁舟欲上獨蹙蹙萬竿烟雨竹臨水
隔竹彷彿聞鳴鸞龍潭深深清見底孤舟待渡橫沙際
施南府志

卷之二十七

藝文

三

怪殺江頭雙白鷗飛來點破波心翠清江故縣江之邊
小澗通潮人漫傳離離禾黍泣寒露萋萋碧草飛晴烟
月臺獨聳象耳北上頂有亭名半逸亂峰疊疊擁碧波
萬仞芙蓉眩空碧雙鳳搖落江天開狂濤萬斛號春雷
怪石如龍枕江滸爭奇獻巧何異哉教場北望田萬井
東作西成樂豐稔行行又至鹽水河水碧山明好風景
蟠龍溪遠難往還三百六十長短灣興闌返櫂更回首
夕陽冉冉低銜山把酒吟詩歡不極此樂何須遊赤壁
短歌聊寫寄行踪安得好事爲刻石

清江

黃溥

千里清江一畫船
遨遊况值九春天
鐵溝河下尋坡老
問月臺邊訪謫仙
草色碧連天色遠
波光清徹月光圓
茫然不悟身何處
疑是蓬萊弱水邊

蟠龍溪

黃溥

清江萬頃瀦重淵
龍隱江中不記年
四海蒼生望霖雨
莫教閒處抱珠眠

釣臺

瑞獅巖上刻釣臺二字

黃溥

百尺臺高次水濱
幾回來此獨垂綸
不知應兆飛熊後
更有何人踵後塵

施南府志

卷之二十七

藝文

古

清江

高維勉

清江秀絕三巴地
草木香蒸二月天
村裏烟波橫釣艇
犁頭春色趁耕田

影娥洞

龐一德

普陀禪寂處千古
闕靈踪壑有蒼龍
護階都碧蘚封金
牀何幻杳元鑰自
穹隆三五清明夜
姮娥下界逢

文昌祠

龐一德

勝友繙經處光芒
耀列星山盤來七
曲水帶入雙汀天

畔風初勁籬根菊已馨不妨從此別世外數高翎

五嶺連珠

龐一德

一曲清江漫陸離山開五指疊牟尼羈人計日珠江去
說着連珠淚一垂

野意樓

西北城上

王直

野意樓高任客過開簾四望足吟哦長松古柏雲霄過
細草幽花雨露多遠水東流通渤海好山西下接岷峨
閒來亦擬窮登覽白髮蕭蕭奈老何

觀瀾亭

城南石上鐫觀瀾二字

王直

施南府志

卷之二十七 藝文

五

觀瀾亭在清江上暇日來遊喜不還正好馳心瞻北闕
更宜把酒問南山白雲芳草渾無際野鳥江鳧相與閒
景物盡堪供賦咏好留佳句在人間

施州衛寄所親

夏熙臣

環衛皆君長東南盡竿叩流官乘小駟蠻婦織花寶刀
劍生睚眦衣冠列附庸不煩司馬檄尺土亦王封
跋涉皆天意艱難未敢辭地傳巴子國人拜竹王祠山
水多奇氣烟雲無盡時更兼旬日雨得不賦秋悲

通天洞

潘希曾

洞門閑倚白雲開
洞裏殘碑半是苔
奇絕自然超世界
渺茫何處有蓬萊
竅通天表原無極
泉去人間定不回
萬里停驂一回首
好題青壁記曾來

通天洞

劉子厲

一竅中通小有天
旁開門戶揖羣仙
金丹合就懸鍾乳
玉粒收成廢石田
殘榻欲醒盧氏夢
斷碑猶記至元年
游來擬作尋源客
洞口桃花莫浪傳

通天巖

宋洪泰

竅引寒光竟萬尋
誰將大斧鑿重陰
兔升午夜雙拋玉
施南府志 卷之二十七 藝文 六
鳥下平川半破金
箭括鈎深知絕險
月巖取象定元鍼
往來多少探奇客
擊鼓敲鐘石有聲

龍居寺

李若訥

寂寞招提獨宿時
四千里外一身羈
縱使寒來煨芋熟
長源無意懶殘知

半榻然燈磬一聲
憑誰細雨說無明
猿啼虎嘯空山外
一任羊腸世路行

天橋 并序

李謙然

余以枝江趙尹雙廬典史徐瑩請驗木復至此

守戎橋東胡公揮使別泉王君偕因小酌焉郡
太守津南陳公前月督木臨衛欲覽此橋之勝
連雨竟不得乘輿一行茲對景念及且慨良晤
之不易也漫紀二律時嘉靖三十八年六月既
望陳公名全之閩人甲辰進士前禮部祠祭司
郎中

掄材徂暑入天橋懸壁清幽午更饒流水彈琴如宓子
謂趙雁門鳴劍有嫖姚謂胡崖藏巽燕飛驚突石幻象
獅臥欲搖梁棟喜看緣纜出大夫期早上青霄

施南府志 卷之二十七 藝文

七

岡隴橫出跨溪頭底石中間巧引流谷口藤枝迎舊客
洞門風磴訝新秋莓苔就席情真樸波影侵杯酒共浮
河朔不逢五馬飲懷津南也山陰共憶雪明舟

象耳山

李謙然

山徑通仙闕崖扉迫市闐遠非遊郭外高已入雲端豁
目千峯秀清心水一灣碧霄原有路誰謂杳難攀

問月臺

李謙然

皂蓋影搖疎雨散竹枝歌罷夕陽催荆州山簡風流在
醉趁斜曛竝馬回

梅溪

文安之

結伴尋春踏石間桃花深院賦閒居攢眉每笑陶彭澤
犢鼻真慚馬相如陌上鶯花頻見約年來魴鯉久無書
栽桑撲棗嫌多事半鹿初傳薄板車

文昌祠

文安之

瑤壇清磬響暄妍靡曼春深柳正眠泥醉厭聞河朔飲
劫灰愁望洛陽烟思歸引入桐三弄作賦耽餘月上弦
卜築林塘無限好不堪重問杜陵田

野意樓

文安之

施南府志

卷之二十七 藝文

六

草堂題句凍頻呵高閣連口散委和自惜清時依釣艇
豈因薄宦老漁蓑墨莊歲賦霞千畝江采朝牽錦一梭
北極春暉連馬藪客星山下盡恩波

連珠嶺

滕之倫

隔岸翛然處初春試一探足將窮上下目已概東南灌
木天藏碧流波柳帶藍尋常詩酒債花鳥與同貪

象耳山

滕之倫

酒煖春寒坐夜分論兵未已復論文城邊木落風兼雨
天外山空雪間雲孤掌平臨星是客千頭奇崛廩爲君

還嫌俗耳因絲竹故使鐘聲得得聞

梅溪

滕之倫

野外書堂晝不扃特來雨後看山青
傍簷茶樹春分火隔水梅花天爛星
宜我尊壘渾欲罄因君筆墨總能靈
六時佳句堪流轉十二風光紙上屏

龍居寺

程道新

出谷清溪繞梵宮空門祇與白雲封
客來越水四千里僧在巴山一萬重
簷鳥見人鳴上下庭松挂壁影橫縱
自憐鞅掌曾無補徒倚經臺聽暮鐘

施南府志

卷之二十七 藝文

充

梅溪

梁思泰

青明結侶恣長遊別有仙人洞壑幽
小徑隔溪窺邃窟虛崖布席俯長流
風光絕似春三月景物全勝漢十洲
飽飯胡麻歸路迴不知暝色在山頭

清江

黃珪

平臺雨後氛埃淨川色巒容開霽景
澗中風過水生紋臺上月來花弄影
臨流探道獨徘徊注目晴瀾發深省
此身此樂信所之浪笑浮生類萍梗

大石嶺

許言詩

石嶺高無盡寒風拂面生尋常饒雨露倏忽變陰晴竹
翳懸崖密雲鋪大壑平家鄉回望遠遊子暗心驚

清江

許言詩

二水源來遠合流宜都行蜀江水自濁清江水自清

開元寺

王徵明

秋深蕭寺裏暮色淡孤烟人靜迷松徑僧閑對玉田疎
林清磬度古殿一燈懸最愛空門月幽棲恰問禪

葵園

袁千里

山水依園長翠莎濠梁遠遠度漁歌蒼崖入戶蘿爲幌

施南府志

卷之二十七 藝文

三

綠水侵階竹作波醉上江樓明月近夢離花樹鳥聲多
嗟予更賸山陰興夜半回船奈戴何

龍居寺

石淪

雲橫石柱添愁思雪擁山根斷旅魂何代有龍居此地
昨宵無犬吠花村

半逸亭

陳全之

不厭山中寂起登江上亭秋清驚鳥喚日午接雲屏山
色綠江碧花枝夾岸清興闌馳馬去細雨又冥冥

龍居寺

周宗休

雨餘幽靜半生苔屈指曾遊第幾回門外綠拖流水去
牆頭青送好山來宦情牢落憑誰語詩思淋漓信手裁
忙裏偷閒心自靜更無飛夢到陽臺

半逸亭

昌應時

不爲登高賦而因訪戴來風塵今日共尊酒故人開地
淨黃花少天空白雁哀杜陵愁轉切相對且徘徊

洪崖山

鄧 樞

巍峩形勢壯山城極目雲烟更莫京萬壑風颺聞虎嘯
五更月冷聽猿鳴葉飄鐘磬知秋老嵐起樓臺覺景新
施南府志 卷之二十七 藝文 三
每欲誅茅來此地訪求丹藥悟長生

清江

童 景

清江之水來施州與君夜宿江上舟我與清江最知己
戀戀欲流欲不流君不見清江水淺蜀江深蜀水不似
清江清清江若有蜀江大此水當擅天下名我昔與君
別又似別此水來年我若還此水鯤當起

奉憶黃溥

童 景

人與春皆去鶯花惜別離馬便來日路民有去思碑藥
苦還堪味歧多慎勿悲一言能悟主洗耳豸冠時

客星山

童景

一日休得告芒鞋聊見親山寒鳥欲毳岸古石多皴驅
虎人喧夜分蜂叟記辰隔林何處鼓知是賽田神

連珠山

童景

名山連絡面東開如貫勻圓江上隈疑是兩儀分藏寶
始知五嶺露珠胎風來水面驪龍戲月到天心老蚌猜
剖腹自知非我願獻圖作賦愧無才

興國寺

童景

撚指重遊又攝提蒼梧老木半淒迷簾含河水魚鱗畝
施南府志

卷之二十七

藝文

三

石次餘霞雁齒梯半日有緣隨衲子百年無警到雕題
吟成擬扣傳燈事歸促花鞦月滿溪

石乳山

童景

界分楚蜀控喉咽諸葛遺踪俗尚傳一鎖南封千里地
雙峰高拄九重天華夷今古關防立草木春深造化權
我忝書生有邊寄瓣香心緒託前賢

臨流石閣

城南五里指揮
唐一麟別業

童景

媧皇煉石補天處石破山空一洞天我欲闢開三十六
不知何處隱真仙

獨乘款段策長鞭來訪壺公靜裏天一樹梅魂招不反
欲將此訣問神仙

羊角山

童 景

羚羊溪口石爲門度馬盤多欲礙雲未信陰崖春不到
幽花偏自笑斜曛

都亭山

童 景

竊慕平泉力不支好奇心與物皆奇愚公豈是真愚者
見好溪山便欲移

畫屏山

童 景

施南府志

卷之二十七 藝文

三

雪糝雲屏四面開正馬尋春處處梅忽見好山如素識
十年殘夢記曾回

瓦倉東接畫屏山山信多緣我再看喚作畫屏猶未識
郭熙重起畫應難

仙女池

童 景

鶴質雲容去渺茫遠山如愧蜀宮妝紗絳不繫當年臂
池上紅蓮歲歲香

成山書院

張問禮

小構茅齋接上臺橫斜窗影數株梅五珠蒼翠環東遶

一鑑玻璃自北來課讀夜闌燈映月栽花雨後翠侵苔
吾人若解窗前意萬種生機好自培

大觀閣

李一鳳

樓船不繫欲何之高閣中流一柱支勢刺碧雲迴燕雀
影沉滄海駭蛟螭月搖畫壁渾疑動潮撼窗紗恍似移
會待春來桃浪起卸帆遮莫泛天池

龍居寺

李一鳳

閑尋香刹碧溪灣且傍空門學止觀最是遠公留意處
蕭蕭細雨話松壇

施南府志

卷之二十七

藝文

三

猿啼山

陳止

西望峻嶒雪嶺遙土人占候準風翹巔迷柳絮秋纔老
麓散梅花臘正嬌叱犢不勞知凍解遺蝗應已共寒消
江南三尺家家慶共酌金罍賀歲饒

硃砂溪

陳止

煉藥山人失名姓硃砂化石溪如鏡早來溪上訪仙踪
何必覓除勾漏令

大莫閣

唐一騏

曲折崖通徑蕭疎木擁樓開軒移客座倚樹聽江流詩

索青蓮調情深元亮甌何當饒綺席徒自愧羊裘

臨流石閣

唐一騏

雪鬢藤形懶應酬撥雲鑿石洞天幽俯聽碧澗潺潺響
遠見輕烟淡淡浮靜覺渾無蕉鹿夢忘機常伴白鷗遊
倏逢老衲談空妙遙指商山橘裴秋

江口寺

唐一元

千年峽口湧天波亂石參差水急梭載酒輕舟飛似葉
停橈江濟醉仙窩

石通洞

國朝 吳李芳

施南府志

卷之二十七 藝文

五

發興耽思遠尋幽得地偏酒酣千日後詩出萬峰巔樹
似雲支谷溪疑石補天山空迷曲徑洞邃隱長烟巨手
何年鑿當頭此日圓白光疑火伏絳旭照霞箋何必買
山隱於斯好坐禪曠懷因太室極目感桑田遺孑來求
牧徵文試古鐫涪翁堪尚論未敢薄荒邊

朝陽觀

史晟

策杖銀河麓猿聲引步長寒衣探石壁披棘入雲房冷
水湔苔綠輕霜洗菊香幽尋耽寂寞豈敢歎馮唐

朝陽觀

武令謨

蚓鳴蟻穴祝堯天雞肋雷封百里絃脂轄秦中曾七載
勞心蜀道已經年高峰遲步驚鴻雁福地聞香惹淨蓮
仙令飛鳧堪仰止何時許我得真詮

過石門

黃襄

磴道崎嶇澗水分動行俯仰悸如焚崖懸走馬春愁雨
谷邃飛花日看雲古洞藤蘿皆鳥迹新碑墨刻半龜文
猙獰石虎山頭見更有猿啼兩岸聞

陪應明府桐岡前輩問月亭遠眺

黃襄

施南府志

卷之二十七 藝文

三

乘興登臨夏日遊孤亭歷歷在峰頭秧苗稍長寒崖水
麥穗初黃綠野疇撩亂晴光石筍出森羅遠甸碧烟浮
追陪杖履行相訪舊碣新碑太白樓

賦贈陳贊伯將軍

施閏章

漢家飛將舊橫行枹鼓年來臥不驚劍倚龍泉輕萬馬
身先虎穴拔孤城銷鋒海國歸樽俎錫土天書別姓名
共說軍前容揖客醉餘緩帶笑談兵

陳世凱勦十三家巨寇蕩平黔蜀 高培

風吹塞角殺氣起黃雲斬首俘千級膚功振六軍草

枯鷹已肅馘獻鼠無羣黔蜀山河定饒歌到處聞

陳贊伯將軍新任浙江提督

李仙根

彤弓寵錫煥東吳坐鎮娥江展廟謨甌海長鯨新屐跡
楚山威鳳舊規模投醪久洽三軍惠沛澤方行萬戶蘇
鈴閣從容消劍氣竚聞茅土下銅符

賦贈陳贊伯將軍賊呼陳鐵頭

蘇霖

聞道聯飛捷潢池未解圍蒼生餘病骨社稷恃戎衣灘
下東江急雲迷高嶺巍鐵頭纔一到百萬懾天威

核桃園

商盤

施南府志

卷之二十七

藝文

毛

停鞭核桃園漸近建始縣連朝陟層巒到此稍平善如
經霜雪餘復覩陽春面巖草寒不枯石瀨緩猶濺稻畦
正高低竹塢多葱蒨此景似江南村居頗堪羨勞生困
風塵知歷幾郵傳驛驢道路長蟋蟀年華晏失足因坦
夷束身在磨鍊艮止利永貞危途慎勿踐

南里渡

商盤

意外見琉璃放舟南里渡四山屏障開一水醜醜注修
肩落鏡中連娟各呈露綠淨唾方宜翠深行易誤衡茅
兩旁分盡傍平林住是時十月交小春未寒迥早納東

屯禾旋收西嶺芋年豐賽雞豚日吉行嫁娶此鄉誠樂
郊翻起無窮慮休將地利貪幸賴天心護他年幸大夫
或議減蠻賦

連珠嶺

商 盤

城東五峰並峙狀若連珠爲郡治八景之一明
童景有詩而形容未備補賦是篇爲茲山寫照
刻劃圭角殊傷大雅也

歷歷五星垂纍纍八音貫占象與區優典樂后夔贊茲
山靈秀鍾割取朶雲攏爲屬非爲獨相連不相斷十眉
施南府志

卷之二十七

藝文

三

雖木全一握已堪算數奇那得偶卦萃安能渙挾將羣
嶽來蔚爲衆峰冠有鄰德不孤如珠光可玩神羊鬐自
垂老蚌胎誰判驪容造次探鵲以等閒彈一云懸大寶
輝煌徹昏旦又云現牟尼色空驚變幻得因象罔尋投
或太阿按是石還是珠聚訟成疑案待叩妙明師真假
片言斷

磨嗟神祠曲

商 盤

磨嗟巖下紛擊鼓楚巫降神神不語聞昔西川廣政年
曾助官軍攻洛浦聰明正直神所爲生有厥功死祝之

能禦大災捍大患非此族者皆淫祠陰兵擊賊傳稗史
怪事荒唐違正理勅封本授孟知祥英烈翻過巴蔓子
廟食千秋蠻土同靈旗颯颯暮捲風喜噏醉飽誰復見
斷猿啼月寒林空神兮寂寞歸山中

蠻王古冢歌

商 盤

施州城北都亭鄉懸崖百丈勢鬱蒼下有洞門一十二
云是蠻王歸葬地高陵爲谷谷爲陵古往今來幾廢興
此冢亦遭人所發但存冢木纏枯藤當年曾作西南長
姑繒壁壘堅無兩花鈴蘆管散雲烟漆齒雕題埋土壤
施南府志 卷之二十七 藝文
苗疆尺寸納

无

天朝蠟壁高羅部曲消孟獲何曾縱復反尉佗敢稱生
前驕陰風吹冷荒郊月刀扇搖歌聲已歇杜宇難平望
帝心幽篁空洒湘妃血安得蒙莊語髑髏殘魂剩魄莫
生愁牧兒夜火穿秦壘義士冬青表宋邱君不見纍纍
道左今無數玉魚石馬知何處有酒堪呼泉下人一尊
且酌劉伶墓

蠻村秋千曲

商 盤

散毛司畔多村舍柳稊乍生梅欲謝蠻姑結隊鬪輕盈

早春已見秋千架，秋千之架高如雲。鳳翥鸞翔影不分，
翩翻可惜落荒土。未展六幅湘波裙，黑白羅羅留部曲。
蘆管聲中男女逐，此戲還堪紀歲華。相沿何用移風俗，
君不見豪家高館三月時。十尋綵索雙畫旗，江南舊夢
成追憶。安得梨花作寒食。

苗刀歌

商 盤

沙渠土司悍且豪，大爲容美小散毛。納地久降諸峒長，
尙存苗種懸苗刀。此刀出匣三尺水，吳淦素練翻秋濤。
春鷗長毛白皎潔，鸞鵠安用尋常膏。蠻兒捷健逞身手，
施南府志 卷之二十七 藝文 三
累年剽掠橫相遭，官軍緩攻議勦撫。居民雜處思奔逃，
留茲利刃經戰鬪。往往深夜鳴嗚號，卽今向化買牛犢。
兼有就學嫻風騷。

朝廷有德加四海，合兵不用臯蘭慶。羅平妖鳥避鷹犬，
大宛天馬隨蒲萄。東南自充財賦藪，零星荒土輕秋毫。
莫安有方賴守牧，奸宄何日潛蓬蒿。孟勞伏突本兇器，
昇平盛世宜藏炭。寒光如髮照無寐，起看太白西方高。

燒山行

高 盤

朔風獵獵夜更遒，烈炬燒山騰鬱攸。黃茅白葦何足惜，

中有梗楠高百尺崑岡玉石竝雜焚其勢直欲蒼崖斃
火牛長驅燕壘破隊象突出吳師奔君不見天憐郡治
去天纔一握密箐深林掩圭角下策翻宜用火攻高坡地名
漸可施錢鏹

國家休養經百年蠻土盡闢爲良田炎炎秉畀應時合
太平了不驚烽烟須與火熄風且止翠微依舊清如水
明朝樵客入山行爛額焦頭虎狼死

採蕨

商 盤

採蕨復採蕨蕨生蠻嶂秋將蕨粉收春待蕨苗發蕨

施南府志

卷之二十七

藝文

三

苗葱翠如禾苗布種不用施鉏鋤婦女提筐立沙嘴兒
童負籠穿山腰施州地廣民富足况逢五穀穰穰熟比
鄰都有好田園此產還同閒草木君不見嫩韭初芽薺
未花登盤蕨菜定足誇夕陽一片踏歌起社前競采西
巖茶

下車兼旬卽景成咏以當采風

商 盤

崑花狔鳥不尋常天遣題詩到夜郎特較江南風土異
雪中解籜見新篁

放衙官似放參僧小院人稀寂寞增乾鵲楂楂鳩穀穀

方晴忽雨總無憑

冉駝遺種語侏僂大旺當年有舊司
苗錦如雲成五色勝他番褐紫駝尼

遠山疊疊近山攢負郭人家占地寬
一帶枳籬茆舍畔儘多豕柵少牛欄

蕨薇佳產並來牟葱翠連坡復滿疇
春摘嫩苗秋貯粉全家糧食不須憂

蠻俗新移尙未成不知紡織但知耕
一城四面方如斗三分居民七分兵

施南府志

卷之二十七

藝文

三

早禾晚稻積京坻擊鼓鼙鼙息蜡時
白酒黃雞盛背籠明朝去賽竹王祠

羊腸蟻穴路彎彎古迹猶存振武關
散木良材同一炬年年十月便燒山

東西贊佐舊曾聞忠崗唐崖兩處分
莫怪獐獍蠻語熟新來蠻府作參軍

野性依人飲啄同白鵬養得羽毛豐
一官潦倒無歸思不與開籠只閉籠

椎髻雕題態若何利宣餘習未消磨
金環貫耳誰家女

解唱寵寵蛺蝶歌

官符商引到山家綠雪紛紛乍吐芽莫怪采茶時節好
火前茶勝雨前茶

送保將軍勵堂之施南

袁枚

吳下驅歌夾耳聞我來剛值送將軍請看江上雙旌影
已似將飛一片雲

履曳星辰劍上方偏教生性愛文章倉山幾曲風華調
君盡能歌我轉忘

千條紅燭兩枝花餞別依依小杜家開他日巴山聽夜

施南府志

卷之二十七

藝文

三

雨更誰行酒進琵琶

弓刀獵罷萬山青風捲紅旗過洞庭可帶橫塘一枝笛
夜深吹與老龍聽

善撫生苗與熟苗追陪嚴武與韋臯八風平處雙聲穩
一卷新詩卽六韜

送君南浦草萋萋望見楊花首欲低一樣天涯送行客
楊花能到夜郎西

鼇脊山

吳省欽

鼈者大鼈耳荒唐立四極從鼈不從魚釣自謫仙謫而

何擣昧徒竄取入名籍俗書真誤人欲斷安可得我從
鼇峰來蕩蕩戟門闕一峰闖射堂竹樹映妍澤戒旦響
清泠奉香影絡繹雖然靈所寰龜山名久錫孰與謚城
隍未免僭鳧釋矯首語山祇不如字鼇脊蛟脊嫌下拖
麋脊引旁射莫此枕清江燈山闕元夕

象牙山

吳省欽

昔聞象奴言象耳鼠所竄其鼻卷如席其背聳如案其
牙如佛牙萬目競傳看滑澤自琢磨槎枒在標幹奈何
良爲占忽作坎爲贊初非熊耳尊孰與虎牙悍一山沿
施南府志

卷之二十七 藝文

三

二名疑獄待誰斷厥勢本峻嶒垂下欲旁攬巖巖枕學
宮岌岌戴靈觀乃知耳與牙滅裂齒堪粲牙錯史註譌
牙布史文漉識字乃讀書邦人勿河漢
施州行署東芑洲太守時辛丑秋杪

吳省欽

夷水如羅繞郡樓使君管領漸風流隱囊紗帽無雙手
賭得宣城太守不

皇華駐馬使臣光第十文風第一堂一種烟霏排闥好

家山猶自話城隍

楚北今設十棚行署射堂前一山有城隍祠土人謂龜山予改曰鼇脊抗

城隍山
卽吳山

幾家買犢幾弦詩屬縣搜牢案涉疑人少石多公莫惱

數通誰採色絲碑

時利川尙捕囑匪而數覓碑材見示

周家鹽米戴家柑箋補文房截瘿枅想像主人懸榻後

不教精舍等荒龕

時懷芳友衡借至予爲題二容精舍辱以瘿木文櫃貽之

題問月亭

吳省欽

碧波峰隔夜郎東問月傳疑捉月同在手一杯金激灩
轉喉幾調玉玲瓏清新俊逸人如在瑣尾流離主不聰
憑仗高亭聯勝賞五峰環照夕陽紅

施南府志

卷之二十七

藝文

三

右亭見於地志謂太白流夜郎時醉此李司訓宗汾
辨其非是辛丑九月廿七日校射旣偕芑洲太守及
諸博士逕焉憶商寶意前輩佐郡時二絕云謫仙遺
蹟在人間采石當年數往還身到蠻鄉重懷古碧波
峰似翠螺山披來宮錦暗無光一代仙才劇可傷莫
話播遷天寶事三郎當日亦郎當商以翰林出丞太
平移施故及翠螺山其末章非風人之義附此當詩
話一則

石門

吳省欽

前過石門灘昨飯石門洞千峰接萬峰骨立寒天空相
對面兩崖無路許攜從偶從發浩呼四谷響交陶歷亂
如堆蓬突兀累桂棟混沌誰鑿開萬象歸飾弄莊嚴
佛法金碧暈鞭鞞沿緣度雙磴出門快飛犴

問月亭懷古

李宗汾

何緣勝蹟千年後此日重尋興不窮清化江光新夜月
碧波草色舊春風無端迫脅參僚佐曾向戎行識令公
一問停杯心事遠芳名千古在亭中

高羅訪太白宅

蘇於洛

施南府志

卷之二十七

藝文

三

夜郎傳遺宅青山何處尋空留一片月長照萬古心仙
才繼騷雅憔悴澤畔吟投老聲名累曠世遙沾襟

東門關

蘇於洛

曉樹依微暗遠村凌空直上俯朝暎千層石磴盤雲矗
百丈流泉赴壑喧地據積高齊北斗天開重險壯東門
遙知帝座通呼吸便欲乘風到九閭

高羅曉行

蘇於洛

一灣流水遶孤村水上梅花照影昏曉雪衝寒行十里
山家猶自閉柴門

李溪

蘇於洛

疏籬茅屋兩三家石笋當頭逼水涯欲訪春風猶未識
深山雪後見梅花

惜春

張寧

宦况頻年薄匆匆百五過春殘鶯尚囀愁重馬難馱花
骨埋紅雨吟魂散綠莎東風今已去幾度對松哦

來鳳教匪未靖奉檄守破寨

王三錫

竹架窩篷木紮城憑高扼要勢縱橫獨憐負戟拋鋤者
盡是宣恩鄉勇兵

施南府志

卷之二十七

藝文

三

拳室安身硤口間編籬隔斷舊青山耽詩自是書生
談論孫吳不得閒

四野蛙聲雜雨聲溪流喧漲客心驚戍樓鼓角忙催柝
數到連敲第五更

喜得滂沱水漫川任他砲響震連天賊人不會投鞭過
寄語將軍自在眠

弔蕭紫峰

大鐘墓

陳魁春

太乙靈旗指夜郎書生投筆事戎裝能伸大義回妖夢
又挺雄心破鬼場地下高談見隨陸天邊遺憾又金張

楓林關塞魂來遠死後猶聞俠骨香

狂風捲地水增波擊賊誰能競荷戈兩道烟塵昏戰馬

一腔血淚洒長河使君正氣乘朱馬仙尉吟魂散綠莎

太息蟲沙同往劫精神無處散頭陀張典史舊有惜春詩花骨堪紅雨吟

魂散綠莎之句予館來鳳與蕭聽夜梵談古忠烈士事生云今夜精神抖擻如向頭陀矣

騰空蓬火動妖氛大節堂堂迴不羣為國共推唐許遠

請纓何愧漢終軍烟銷虎崗嘶殘月日落龍山哭暮雲

浩氣成仁魂魄毅靈旗風雨夜深聞

妖星橫擁木城門獨有茲生氣節存臨陣未曾忘母病

施南府志 卷之二十七 藝文

三

入賊寨時生母病篤星奔省視焚香哀禱經宿遂痊讀書原要報

君恩三忠碧血同心誓百里青山獨葬魂壯烈至今神

鬼泣怒風穿骨散毛昏

上將威名動列侯幃中每得贊前籌雷聲震石魑魂碎

匪有被雷震死者火彈衝雲劍氣邁時以火攻破賊三堡樹深狐嘯雨

九龍烟淨日橫秋平妖可賦才人逝猿咽西風渡夾牛

和熊五夜有慈親羨爾才華迥絕倫千里孀居吟苦節

生之丹予姨也半生歸夢憾孤貧悲風遠送黃驄曲片土沉埋

玉樹春報 國心雄遭計毒慚他朱履上星辰

一枝春賦冠羣賢幾日聯吟小雪天填海蒼茫饒健翼
甲坡慘淡是重泉何期春露叢蘭後竟化哀蟬落葉天
奇字滿牀誰問訊竹窗螢火對愁眠
萋萋宿草墓門蕪憶爾悲歌擊唾壺義激生前倡勇士
名留死後振頑夫深閨對影愁鸞鏡遠道遺言弔女嬃
最是傷心寒食節一盂麥飯泣孤雛

莊邑侯殉難詩

王廷弼

到官甫三月山城燭白蓮相與興義勇倉卒無人烟賊
眾奪公去云公是好官好官不可殺但令勿生還或曰
施南府志卷之二十七藝文
不殺官此舉爲無名全尸瘞牆下真待時太平今朝同
公子啟殯易冠纓襄老喪旣歸先軫面如生忠義格天
日鬼神呵護情佇待

天恩沛如公極哀榮臯復及今日招魂淚如洗愧我同
公戰未得同公死公死猶如生公名不朽矣尙賴公英
靈滅賊靖邊鄙送公昭忠祠英風鎮千紀

張尉殉難詩

王廷弼

分栽花縣多年歲一戰空留碧血殘化鶴仙人今在否
更從何處葬衣冠

甘學博殉難

王廷弼

廣文學官耳一死不爲愚守土雖無責尼山亦有徒讀
書明大義授命信良圖愧彼干城侶空留血肉軀

念王明府伊犁遠戍

王廷弼

萬里玉門關流人幾見還大荒飛鳥外殘驛夕陽間此
地難埋劍何年看賜環英雄流血淚落草卽成斑

柳橋烟雨

張定模

垂楊幾樹占橋邊一望迷離翠接天綠染山眉朝過雨
青遮渡口晚含烟長條折送行人轡輕絮飛迎釣客船

施南府志

卷之二十七

藝文

四

可惜靈和無限種風流誰復想當年

鍾靈疊翠

張定模

一山迤邐抱城闈疊嶂層巒秀絕倫駿馬奔騰張翠鬣
神龍夭矯振青鱗靈竒未可容巢許鍾毓還應降甫申
試看雲霞蒸蔚處分明間氣屬斯人

二郎廟

樊繼祖

古寺巋城北巖深花草馨江流依岸碧山勢插雲青灌
口恩波舊施州惠澤零我來親展拜萬庶仰神靈

秋日登象牙山見暮色縹渺口占三絕

歐陽鑷

非霧非雲淡遠空無邊暮色望何窮人家聚處知多少
盡在蒼然縹渺中

淡淡秋陰遠近鋪千家山郭半模糊登高認取喧闐處
幾點燈光辨有無

晚炊秋罷暮烟低半露青山半罨溪好是秋光痕最淡
輕拖匹練過橋西

蓮花池

茹棻

峭壁立萬仞刻畫龍雷文蒙茸露微徑拂拂衣上雲把
施南府志

卷之二十七

藝文

聖

視對面山朗若掌上紋卻恐人聲高咫尺帝座聞滑路
劣容足土石渾不分籃輿任搖兀默默占靈氛

地已在雲上人還入天中但知徑路絕或有猿猴通桑
麻並雞犬竟與人間同高高復下下其疾乃趨風攬身
竟倒擲下視仍長空蒼蒼者正色聞之漆園翁

山城過百里寂寞無烟村侵晨戒僕夫雨氣猶昏昏常
恐半道中勢若雷霆奔終朝竟閣雨入夜急溜喧欹枕
叩天佑敢作再請煩豈知披衣起朝旭迎温暾

城隍山

茹棻

廣庭初試士對面橫青山城隍非與是一笑還開顏葱
鬱富林木秀結菩薩鬘空翠撲人衣咫尺若可攀須臾
轉蓬勃雲氣蒸鬱環雨腳迎面來檐溜聞潺潺山光豈
有別愧此猿鶴間

瘦木

茹菜

自我來彝陵婦女瘦垂頸山有不流泉衣裁常濶領飾
以瓔珞珠晨粧鬪娟靚豈知施州山妙得香柑瘦鳥獸
布奇形山川肖清影匠石資磨礪布置真井井慨茲材
不材自古無定境人瘦容有曠於木乃成幸要知斤斧
施南府志卷之二十七藝文

望

煩臃腫終爲青天工巧結撰毋乃心精逞山中失輪囷
人間多器皿何如杜征南雅歌鎮荆郢

背籠

茹菜

山程行履艱厥勢利用控楸株利若錐背籠圓如甕本
爲採樵資猱升入雲霧嗟我乘傳來襤被勞爾送後應
前者呼小市成一閩負戴存古風嘉茲樸與狙

錦雞歌

茹菜

筠籠籠雞聲喔喔誰辨生哺與生嚼乍疑文彩雙鴛鴦
羽衣蹁躑錦斑駁朱冠綠項應號翬倏然長尾還類鷓

介性本與雉不殊爾雅未熟費商權今爲定指韃天雞
於蜀有之此爲確何曾抗喙一長鳴時其飢飽利用稱
惟蘭有膏象有齒炫耀翻遭獵師捉試看斥鷃下蓬蒿
兩兩飛去生處樂

山猴歌

茹 棻

昔聞二峽多猿啼山猿躑躅來山蹊少陵但愛如拳小
猿猴錯認空留題施州迢遞天爲梯主人好事重環攜
子母擁抱捷升木斷尾跳擲黃與翼垂胡作囊宿其糗
用強凌弱占厥妻伸爪搔爬了不畏解避鞭箠供提撕
施南府志 卷之二十七 藝文 三
偃師傀儡戲最古沐猴而冠宜與齊物生有欲斯有制
蠢茲醜類何足稽

至施南二首

茹 棻

到府不一舍過山仍幾重人迎諭蜀使地是夜郎封戰
守前朝隘耘耔瘠土農山川新管領休說向王蹤
聞道萑苻擾瘡痍剩幾村伏戎真鼠竊比屋痛鯨吞掃
籜書陳跡誅茅認舊痕多年勞捍禦韜畧試重論

施州校士對城隍山有感

茹 棻

蠶叢直到夜郎灘浪說當年蜀道難鳩化儘教佳士許

龍蟠還得好山看蒼深定益詩囊富絳繚兼收藥籠寬
漫道城隍眞色在隔江轉憶禊亭蘭

朝陽觀

傅南川

拔地聳奇峰磅礴勢未倦如何視象山昏旦氣候變岡
繞樹千株嶺積雲一片岸峭危如壁水鏡環若線朝見
金鴉出夜看冰輪轉扶筇尋古洞留題效昔彥披襟快
風清聞鐘來深院豪興立山門一覽收芳甸朝陽夕勝
景由來推日觀誰識絕頂處風光宛然見著屐逢佳客
陟此定稱善欲入吳子筆翻失眞來面

施南府志

卷之二十七

藝文

器

九日同蔣明府登朝陽觀

范述之

憶昔登臨日於今二十年宴仍楓葉地人老菊花天遠
岫來秋色孤城入午烟相酬有佳句岸積亦陶然

朝陽觀

范述之

西山繞奇峰東折欲登倦胡復至城隅賈勇倏一變復
岡据鼎足挂石走帆片清湛環雙流蜿蜒界一線洞豁
午風生徑仄秋雲轉掃苔誦古詩恍若親昔彥最高得
平壤疎林隱僧院翻經息衆想放眸收廣甸况復近吾
廬生小遊所慣人人惜茲山寂寞鮮表見予曰有佳境

僻處亦稱善雖遠名勝區不失本來面

元夜

銅鼓凹作

范述之

雪霽寒猶涸村醪供取攜卻看明月上不覺晚風淒四
井餘燈火三川尚鼓鞞總師新拜命傳是舊安西

石門感舊

范述之

石門千仞鬱崔巍五色霓旌映上台太守自行督屬吏
中丞親說見如來固知虛妄無常理轉盼繁華已劫灰
剩得匡廬真面目依然山秀水潏洄

巡戍至野三關贈龍一菴

范述之

施南府志

卷之二十七

藝文

聖

山雞佐饌屢稱觥極目干戈白髮生烽火南通巴子國
羽書西過西陽城借才翼序勞冰鑑蒐甲田疇尚水耕
邑侯論一菴練鄉毋惰毋驕君自省腐儒未許妄談兵
兵兵集而民不擾
盈盈一水壓層巒橫劍高峰並馬看小醜漫云同瓦注
雄關此日藉泥丸戈鋌晝擁溪雲動刁斗宵沉嶺月寒
兩字功名何敢論男兒須是此心丹

施州行

為尹太守作

鮑桂星

施州古之巴子國後來強族竊據之有明設官不銓授
以土治土聊羈縻

皇朝德威四暨訖改置郡治歸有司割夔一邑建始隸其

屬遂領六縣開疆陞承平既久戶版盛髮垢不櫛蝨生

蠶白蓮苞蘂誰釀禍自蜀奔竄來恩施嘉慶六年恩施尹者

厥氏尹英圖閣學壯圖之弟海內知廉聲惠政稱杜母以母

召子形影隨提戈一呼四面集瘖僮跛嫗皆驅貔是時

賊衆凡數萬風鶴未免生驚疑公曰無疑急與戰第扼

關隘防奔馳韜鈴乃出文吏口甲士可使胥徒為謀成

胆決勇氣倍再戰再克殲渠魁合圍要遮大斬獲賊懼

不敢荆南窺大府飛章

施南府志 卷之二十七 藝文

吳

帝嘉歎曰汝英圖功何奇汝一縣尹乃能爾爾爾汝上者

顏忸怩

璽書褒美擢五馬至今南郡喧口碑蠻雲瘴雨盡掃滌

日月所照風清夷我來重趼歷參井有童啞啞娃嬉嬉

禾麻既獲弦誦起選士亦復抽囊錐古者失官四夷守

况今

天子登軒義施州一隅萬山窟障蔽荆楚連巴夔民愚

地險雜獠熨匪賢守令曷克治作歌美昔勸來者共襄

上理綏嘉師

施州選拔覆試日有作

鮑桂星

萬山青到古施州啼鳥聲中駐碧油鏡海日排雲霧出
升堂人比鳳麟遊十年偃伯弦歌起幾樹翹英藥籠收
聖主恩深莫孤負勉馳天路策驂騑

口號四絕句

鮑桂星

畏寒不踰濟喜雪偏耐冬鸚之復鵠之愛爾巢雲松

右鸚鵡

鎖院非梵宮鴿來殊不怖白衣何踟躕飛飛出烟霧

右白鴿

施南府志

卷之二十七 藝文

七

圉人畜二猴人物情相狃清夜聞啼聲如過蜀江口

右獼猴

對面鼇脊峰涌出几案間朝暉與夕霏咫尺三神山

右鼇脊山

沙渠吟

張家櫛

石壁周環景最奇中通小徑草離離蠻王寨祇留遺址
不是持刀佩劍時蠻王寨

城南春雨水平池飛去蝦蟆正此時悟到鷹鳩及鴛鴦

拈毫何事浪傳奇

蝦蟆池

威懾羣酋一世豪今留廟貌鎮江臯秋來浣女知多少
祇聽砧聲雜暮濤

竹王祠

峰巒曲折擁青蒼人去亭空草木荒憑弔謫仙情切處
萬山如畫月如霜

問月亭

童家莊址盡荆榛何處山深有異人試到白泥坡上望
幾家犬吠雨如塵

白泥坡

野豬跳下水如油妯娌墳前日未收欲訪李家雙烈婦
悲風颯颯小橋秋

妯娌墳

沙渠竹枝詞

朱寅贊

施南府志

卷之二十七

藝文

哭

除石爲田石作圍牛羊弗踐麥苗肥何須兩稻充家食
留待輪租願不違

伐木支椽爲草舍借糧作種號棚民但教梁稻俱成熟
流寓山中亦福人

男當門戶女親耕僻壤人家一半貧莫信離方惟女健
少陵詩註是傳真

入鼻如腥晨霧重風號峻嶺夏猶寒箐深石險多傾跌
客子空歌行路難

山下常愁濕熱侵氣多溫暖又多陰頭風難覓陳琳檄

最怕年衰病又深

臘月嚴寒已放亡祭山又喜季春忙肴蔬酒飯皆羅列
跪拜聲聲祝歲穰

竹王祠題壁

詹應甲

鸞熊弧矢開楚疆剪卻棘矢留篳管出胎剖出孩兒香
竹君之後有竹王錦衣繡襪來何處化龍幾欲凌霄去
頗同佛子產空桑不屑將軍封大樹天生材武霸南州
自大方能馭衆會始信平安貽兩字終教靈惠祝千秋

宗崇寧中立
祠曰靈惠祠

我來竹下拜祠宇竹書難溯王風古金戈

施南府志

卷之二十七

藝文

巽

鐵馬去空山瘴雨蠻雲歸故土落日靈旗水面斜年年
簫管賽山家夜郎城上誰投筆春水江頭自浣紗

斑鳩崖

詹應甲

鳩喚晴崖崩千丈巢易傾鳩喚雨崖懸一線巢難補鳩
能振翼枝可栖人苟失足身已糜崖上有嵯峨怒起之
怪石崖下有奔騰倒流之惡溪君今胡不自崖返試聽
鷓鴣林外聲聲啼我行十步九顛蹶荆棘鈎衣始全活
鵲聞見喜鴉見凶萬事不如鳩養拙

種藥吟

詹應甲

施州西北曰木撫地最高寒無沃土山人不解藝禾黍
剪盡荆榛開藥圃藥種分貽不貸牛藥苗倒插能辟暑
板橋蒿壩百餘家大半藥師兼藥戶刀耕火耨笑人忙
拋卻農書翻藥譜雪後點處子勻排藥種於雪後下之雲葉蒸
時芽漸吐自然蔓長與藤抽三年不用占晴雨種藥不憂旱潦
下種後三年得之無心盼到紫葎甘有口差同黃蘗苦藥販居
然列市屢藥租且免輸官府男攜背篋女肩鋤同問藍
橋求玉杵蠻烟瘴霧積未消採向深山蕪松煮藥氣渾
如草氣薰藥名懶比花名古翻怪鄉人不信醫雖知藥

施南府志

卷之二十七

藝文

辛

性終無補偶然疾病跳師巫畫符搗鬼無藥愈蕩田還
可栽黍苗百藥何如穀有五

由鴨松溪尋源入山遇牧豎自言村居風景頗覺

此間殊俗惜未詳其姓氏也

詹應甲

萬山中有一溪曲溪上人家松蓋屋松毛缺處隱山樓
占得當門鴨波綠一牛導我尋溪行夾岸紅蕉兼墨竹
滿身蒼翠濕衣裾失卻疲牛遇歸牧自言生聚託溪流
不問溪源出深谷幾家落落自成村居鄰未議何年卜
薄有溪田聊共耕但計犁鋤便分穀歲時伏臘還相親

男女婚姻頗殊俗溪水從無瘴癘生不事醫療與巫祝
松花吹落溪水香人如浮鴨沿溪浴今年溪漲到山腰
未屆秋成已再熟君從何處入深山前路茫茫難託足
邨筒釀就新濁醪佐以山穀無魚肉茆堂短榻尙能步
可惜溪聲雜琴筑擾君終夜不安眠未敢邀留歌信宿
一聲長笛破松風笑指青山飛散鵠回頭不見水遙村
淡筆空描雲一幅

宿龍潭坪

史銘桂

登山復登山險峻無平陸忽見龍潭坪坦夷豁心目江

施南府志

卷之二十七

藝文

至

南好稻田播種乃包穀人言雪早降利取秋成速瑟瑟
朔風鳴旅館進醺醪地爐火不溫料量加征服一塵數
十家家瓦都木荆妻倘言念誰知在板屋

將近石門

史銘桂

將近石門道數峰高插雲卓立猿猱窮孤峙青若分豈
是夸父錯將毋盤古墳野人喚石鼓象形吾亦云碑詞
詩語別石虎傳紛紛

石門山背數峰土人稱石鼓及觀碑誌皆稱石虎不如石鼓之切也

遊石門

史銘桂

寒澗響淙淙流出石門麓石門對岸呼七里才一曲舍

輿下仙橋志稱憑虛結構為仙人所造才寸行縮縮小憩移片時神

疑氣仍促下下又高高扶持戒童僕凹處一綫微頂覆

檐牙啄仰視蔽青天俯瞰惴深谷幾謂好奇心後殆不

可復呀然石竇開神靈此修築幽闕蟄龍蛇陰森飛蝙蝠

蝠步步引入勝毗連列華屋末路奇之奇通明走山腹

麻姑春散懷洞在麻城春間曾遊有詩三章三遊秋寓目洞在彝陵秋遊亦有鄙句

得一已自奇未若奇相屬徘徊日向西好景看不足痴

心訂歸路三日石門宿

石門歎

史銘桂

施南府志

卷之二十七 藝文

五

我行半天下石門景獨妍少見固多怪目覩未或先山

水奇且險石竇相鈎連可以面壁坐可以丹鼎煎使其

生絕域附會丹青傳謂為古道場朝謁方喧闐茲雖具

閣觀寂寞寒山邊由來耳目近難架詞虛元即今我經

過一家此借眠世人倘乍見鮮不疑神仙名勝人所造

初不關林泉知希還故我山水全其天

南里渡

史銘桂

輿人指翠微前路青溪澗到見隔岸山彌高不可仰一

葉渡中流手掬塵襟爽昨夜夢歸家從此泛雙槳

經花石版諸處

史銘桂

再上幾不敢咫尺排蒼穹詎宜喬野質闌入丹青宮我
欲遊層城營度驚九重我欲上蓬萊掣轉愁回風是皆
疑信半縹渺虛無中泰岱四十里遠望吳門驄西華五
千丈帝座呼吸通千人共瞻仰稱爲天下雄及經施州
道萬古開心胸下一上十九所上俱高峰方謂造已極
前望尤其崇登盡嶺又接迴瞻旋蟻封是惟坡陵遲層
累躋遙空若拔平地起記里難爲弓更嗟南徼遠僻陋
鄰蠶叢名人少經過渺無仙佛蹤欲買一邱住爲啟山
施南府志

卷之二十七 藝文

五

鴻蒙奢願力太小毋乃爾也公

將渡清江望施郡城郭

史銘桂

羣山列屏障一水環襟帶江清碧油油嶺連雲靄靄雉
堞倚巖隈望裏圖堪繪巖業崎嶇中蟠結大都會我聞
漢晉前夜郎惟自大唐宋半縻羈密邇蠻夷害

聖朝二百年橐甲濃恩沛六邑土司多請屬叩關句改
土百年來椎結易冠蓋堯舜迄於今服畏始清泰近更
混沌開文風寫天籟靈秀必有鍾覆幬何中外

施州草木詩九首

吳其濬

龍竹苗寒筍旬日得十丈霜雪壓脆梢勁與松竹住
兒見頭角未肯脫錦襪坐待春風來方作出塵想王立
兩三竿矯矯不成黨歲晚主人臥迎客自俯仰
楚客須臾樹詫爲衆木尊空山多碩果此實豈其元我
行夔子國凜烈雪正繁百卉生炎洲隕落如中原孤峰
見翠葆綠潤照璇源三年刻一楮此價未易論生平
李衡僮比卓王孫利欲驅草木奴隸視蘭蓀荒阜已成
蹊桃李兩無言

三巴產密羅輪囷拙可笑敗絮實其腹黃與佛手肖但
施南府志

卷之二十七

藝文

蓄

乏麻姑爪不鑿混沌竅舊臘預傳柑

賜果瑛盤照懷歸冰沾衣罌管色相耀歲寒臭味同無

藉形骸妙方朔窮且醜僂僂金門詔

閩中歲以密羅作貢去臘蒙賜十

數枚冰堅如石置茶中作佛手黃

內廷珍之

哥窰兔褐盆錦石襯菖蒲年年盼花開徒爲古所愚豈

知山居人蹴如秣馬芻根節走蛟龍綠葉淨可娛石竇

無寸土靈液相滋濡細梢戴曉露皎如摩尼珠倘能照

我心不辭山澤癯

穠鋤剔山骨爬土得盈握亂石如犁齒仰刺牯牛足

豆苗寒藤枯槎寄瘦綠蔓弱不自勝倒垂玉鈎曲采擷
供朝餐脆滑壓昔菘但恐羊踏園不愁魚疾腹土人相
驚猜嗜歎鼻爲感他日元修來餐盡冬山綠貯藥吾未
能此事差免俗

礫河不材木生無萬牛引不如自僵儂朽腐成美菌深
山無冬日陰雪蛟龍盡由蘖蒸濕雲生機傲擇隕錯落
小疊錢輪困大揚盾肥豈妾晚菘滑宜媿凍笋草木餘
菁華旨爲造物窘君看疾疾人智慧出愚蠢

北方千尺冰曝檐醉白日南山十日雪不禁池水溢池

施南府志

卷之二十七

藝文

五

中如船藕皎如玉纈栗池上寶珠茶赤燄忘凜慄芙蓉
自畏寒晚花露蕭瑟始知天地氣升降非膠一舒慘互
相循生機仍時逸長安方臚鼓海棠照盤橘

雪中畫芭蕉俗眼親詆毀不知玉樓臺綠天更清美粵
犬不知雪鎮歲啖蕉子結爲炎熱蒸無復風致矣清江
竹王城甘苴照綠水上有六出花飄灑風吹梯青山瘦
固寒白戰淨可喜欲織五銖衣惟有姑射耳

虎刺珊瑚珠的皜紅纍纍移向壺中峰旬日漸已萎甘
爲小草生羞作卷施死不如寒天竹結實垂堂尻凍雀

卓丹砂繁星攢朱李翦剔作盆栽金屋藏彼美嗟哉此
離離南國相思子世無相思人棄爲籬邊枳

余試施南讀壁間鮑覺生前輩口號四首詩格謹嚴
然未能測其寓意所在余以道旁所見草木有所感
觸得九首蘭芷滿山不見採擇有如此矣

業州竹枝詞

周鯤化

三里板橋七里坪烟墩山下業州城居人愛飲茨河水
只有西門水獨清

一年一樹打冬耕壩廠渠疏便種秔菽麥沿山聊布種

施南府志

卷之二十七

藝文

奕

菽麻方可望三成

包穀根從石罅尋石田戴土土如金秋風莫掃野雞啄

包谷
種名

傳說天荒救老林

亦有斤茶勉貢輸火前香味最清腴趁他陽雀未開口
好挈筠籃伴小姑

年糍成對米花紅簇簇堆盤餽歲終要是山人情意重
鮮魚新出小池中

道經石門用香山遊石門礪韻

顧羹梅

路絕通石門幽深駭仙跡經傳古無稽遺聞訪曩昔俯

臨萬丈溪對峙千尋壁車馬少經臨碑碣難尋覓殘雪
迥高巔新曦照瘦石藤蘿蔓垂垂松杉樹歷歷探奇縱
大觀紫翠嵐光夕

東瓜寺用韋蘇州義演法師西齋韻

顧羹梅

連步上層巒到耳聞清磬僧寮訪白雲時鳥適天性松
竹蔭經臺蘚苔鋪曲徑靜聽玉板禪蒼然暮色暝

關口

顧羹梅

破曉上層巒風高清露沃拾級連步躋蛇徑紆而曲肩

施南府志

卷之二十七

藝文

七

輿旋轉難登頓勞雙足杉檜籠寒烟楓柏絢初旭垂蘿
馮攀援野花自繁縟雲氣濕征衫泉聲激鳴玉乘興窮
其巔停憩無茵褥扼隘儼雄關考古無高躅俯視人村
稀炊痕互斷續

來鳳雜咏

周向青

邑小咨求易民貧補救難所期存利濟何忍薄飢寒心
在周千室身非戀一官夜深作封事枕上尚汎瀾

弔三士墓

三士蕭大鍾龔超元劉尙文
詣賊巢說降被殺於指甲坡

何雪方

東風料峭夕陽寒杜宇啼聲血未乾忠烈同時埋指甲
草芽一樣露心肝妖氛未靖身先死闔帥何心命共殘
卻惜史編搜不到空留精氣散毛關

夏日卽景

方策

到來長夏似深秋早晚陰晴氣不侔一陣蠻風吹瘴雨
征人五月尚披裘

往散毛土司勘田日行萬山中

柯煜

歸州已歷萬重巒又入蠻中地屈蟠舉首對天原咫尺
放懷行路豈艱難竹兜可坐寧嫌窄冬日如春未覺寒
施南府志

卷之二十七

藝文

五

要使遐方蒙闡澤祇憑勞苦致均安

籃輿雖駕半徒行徑曲巖欹怪石橫縹渺似仙身已憊
鱗皴入畫骨還驚僕隨猿引常連臂水激鐘撞不絕聲
欲倩巨靈平險阻試捫心地更宜平

奇秀還如日素經雲開天朗快瞻聽瀑泉聒耳疑匡阜
修竹連山宛敬亭高嶺擘分雙髻縮遠峯環列十眉青
飛行濟勝慚無具且挹清暉養性靈

入施南司界

漸覺山平遠殊方豈憚行車徒雖簡略父老尚逢迎樹

暖經冬綠溪寒見底清君看漢循吏半是魯諸生

入箐

歸州山隘鶴穿天此地兼無鶴可穿深箐互施重頂幄
奇峯微露倒垂蓮猿吟隔澗紛相應樹臥當途礙折旋
遙憶曲江同宴客紫霄穩步作神仙

散毛司卽事

誰道南荒行路難 聖朝冠帶徧羣蠻計程不似巴山
峻蒞衆宜知漢法寬豈有憑依成險阻共遵禮教自平
安石庵行處皆稱佛莫作蒼鷹乳虎看

施南府志

卷之二十七

藝文

五

高林深箐翠成圍人自中原到者稀懶訪丹砂收箭礮
兼無綺語織弓衣犬牙相錯勤區別蝸角紛持孰是非
父老聚觀添喜色漢官言動藹春暉

宿建始農家

異哉荆南行忽涉西蜀界酒用蘆管吸屋取木皮蓋田
家有淳風話言極親愛見其二子焉雞黍辭之再雖非
隱者流悠然自塵外

尚民有乞詩者賦此示之

踏徧西山路更西山高祇覺白雲低愧無治行傳三楚

略。有詩名播五溪。夜宿葦林如過鴈。曉驚茅店聽鳴雞。
更從三酉探奇秘。不負平生古與稽。

大田道中

絕少豐貂可禦冬。敝裘聊復敵霜濃。涓涓石底通泉脈。
隱隱山頭見匿峯。磧稍平時欣馬駛。宿當投處尚雲封。
眼看漢地勞如此。何況蠻溪險百重。

萬山深處

除却樵夫到者誰。畫師詞客幾曾窺。略無十步寬平徑。
但訝千巖孔竅奇。轉側豈惟騎馬滑。峩峩祇覺過雲遲。

施南府志

卷之二十七 藝文

卒

丹青百斛殊難狀。那得形容入小詩。

猴子嶺

木冊誠哉險。他山不足言。莫驚猴嶺峭。扶侍有青猿。

大田至施州途中偶記

天然氣象異蠻中。秀色聯綿望不窮。點黛山川環禹甸。
含春草木被華風。戍樓迎客三聲角。儒者談經一畝宮。
牧豎樵夫知避立。問津歷歷指西東。

冒寒涉水加犒輿夫

天逢九九氣嚴凝。赤脚何堪更踏冰。就淺已驚波洶湧。

礙人尤避石峻嶒宛渠螺遠應難覓蚱蜢舟輕未具乘
辛苦與夫功不細豚肩斗酒鼓飛騰

施州遇雪

忽洒施州雪中宵起視勤客星添照耀天女散繽紛
滯人千里踟躕酒半醺莫為行役計且就火氤氳

施州城外見清江

源出蠻中灑灑鳴碧波千里繞崖行施州城外清江水
直到江州始著名自注此江至宜都城城北更寬澄碧迥異他水稍過城東併入大江即無此

色矣城東有合江亭蓋謂此也宜都一名江州

施南府志卷之二十七 藝文

空

宿崖家壩

界分楚蜀戍樓連小隊弓刀楚獨前自愧彈丸虛撫字
轉於粉堠有因緣金光百丈迎人立黛色千尋隔水懸
處處與山成莫逆數峯又到枕函邊

又經建始界

陟嶺拽修綆下坡頓長繩嚴冬歷蠻嶂春夜夢已徵人
事莽難料前定若可憑心契山水緣日有翰墨增跋涉
縱勞苦尚勝行脚僧再經建始地茅棟適寢興蜀山入
我掌積雪添峻嶒君平不必問且復醉瞢騰

施州石門

石門連石屋結構自天成豈獨堪招隱端宜習養生涼
逾松作蔭光似月添明鱗次餘巖洞誰同枕漱情

石菴先生浙江嘉善人康熙辛丑進士選宜都令
著有慈恩集此其勘田散毛時作也因為補入

郡治後園有榴柚二果同時竝蒂各生五枚詩以

記之

譚光祥

禾不生九穗麥不秀兩歧年年幸免饑饉耳無一善政
愧可知小園不少雜花樹如下董帷都懶窺民和未見
頌聲作瑞應敢望天公私去年竝蒂榴四實忍冬再花

施南府志

卷之二十七

藝文

奎

曾作詩今年兩事皆再見謂此易得非罕希庭前移栽
兩桂樹秋未著花意頗疑摘榴五實忽竝蒂五柚竝蒂
又益奇中央一枚似居首左右前後輔相之如統所尊
衆環拱如序以齒肩相隨如星聚奎聚東井如臣佐舜
福衍箕如聲如色如方如嶽如鄰如伍恰應天地數如
羸秦五松如漢京五柞如移彭澤五株柳如折燕山桂
五枝傳觀一座歎希有詹尹信手穿牟尼長城分詠四
十字筆花落紙光陸離徐陵紀事許濡墨楊炯妙詞待
藻披榴房取象頌多子厥包橘柚東南宜徵蘭吉夢不

敢卜五丈夫得一亦足慰我思一心有定似碩果三品
作貢或如桼榦栝柏菁茅龜豐年爲瑞不貪寶民欲必
從天聽卑春華閱盡見秋實風雨露雷無妄施未來事
業且休問眼見聚散風中鷺廣軒乞休將歸武昌當歌對酒
聊盡興嶺上梅花開及時

長陽道中

王協夢

蠶叢不覺路崎嶇到眼峯巒似畫圖莫信陰晴難定準
南山有雪北山無

甲午首夏按行咸豐途中有作四首

施南府志

卷之二十七

藝文

奎

山石似層冰一一水痕凍鴻濛未闢時想見勢瀕洞浩
乎挾天風滔滔孰能控凝結萬萬古猶訝波濤送方理
砉然解可代瓴甃用巖前一把茅塗墍欲無縫石罅自
成畦山田綠方種

方從山後來忽度山前去下下而高高沿緣百盤路籃
輿行山腰徑可入縑素絕壁噴飛泉層峯隱深樹此間
著團焦豈謂烟霞痼惜哉蜀道難羈遊寡歡趣且啖諸
葛薇且飽嬾殘芋

山靈笑我俗鳴騶到山阿重厓厯石磴宛轉如旋螺居

人共牽引直上無延俄恍師巴猿智連臂下飲河阮孚
蠟遊屐視此應殊科部民樂趣事吾政敢側頗要須去
害馬無爲勞者歌

石骨定堅緻嵌空何玲瓏木髮土爲膚綿亘蠻烟中崇
山極鳥道絕礮開蠶叢山攢水亦聚氣本相流通天生
此略約底用丸泥封瀑泉自聒耳飛雲應盪冒何當覓
遊侶桐帽支吟筇

輿中口占

連郢新秧綠如針出水齊橋通蒲澗直路繞麥田低行

施南府志

卷之二十七

藝文

畝

縣春方老還鄉徑欲迷萬山青不斷終日子規啼

山中曉發

嘔軋籃輿嶺路長沿山花草逐風香百盤危磴青雲近
十里疎林曉日涼滴露竹梢偏裊娜經霜木葉漸丹黃
吳麻蜀黍皆成熟不用循行策救荒

九日

嚮晨爆竹滿山城問俗知緣節序更插菊方邀人共醉
登高難得雨初晴此間福地尋荒徼幾處豐年樂太平
虎渡蝗遷成底事靜聞衙鼓有餘清

施州食物

菽乳昉淮南宵分不停磨如大輅椎輪漿未石膏和野
菜錯雜調温磨出土銚嘉名踵黎和奈何罔以惰懶豆
蒲桃有佳醞果實成釀材况聞番薯蘋亦可供尊疊山
中富蜀黍麴蘖缸面開糟牀滴真珠浮蟻堪銜杯酒包穀
晨炊菰米香更有鮮可食根在碧澗中清脆遠雕飾傳
聞性頗寒每每中厨敕長安競華筵薦此亦增色茭白
安肅詫秋菘半世菜根齧觀此圓如毬造物亦何巧胚
胎至味含頓食可以飽持以敵吳蕤何必憶峯泖繡球白菜

施南府志 卷之二十七 藝文

三

閒考神農經著錄列山藥濃涵土脈厚方趾乃象脚創
為玉糝羹滑甘殊不惡蠻鄉蔬品奇莫訝稱名錯脚板薯
山田出野菌痞癩如蜂窠遠作肥瘠想朶頤良足訶遠
莫致雞埏費無踰燕窩樵子筠籃中采掇何其多羊肚

五峰山建塔記

王協夢

天下不盡皆可待之事而有不能不待之時施州初立郡縣規模草創尚沿樸僊之風官斯土者築城鑿池相陰陽觀流泉雖未明言其坐向環衛之勢若何而證之形家者言固無一不昭合也嘗過通都大邑窳堵波多峙於巽方說者以爲巽己木火有文明之象青囊天玉催官諸書亦未有不以此方爲最吉者往往無塔之區或就城東南隅建危樓以祀奎宿葢榜頻登歷有明驗乾隆辛卯前太守韶山張公來守是邦創修府志募建

施南府志

卷之二十七 藝文

奕

考棚改通人和百廢畢舉復念士人無奮跡於科名者周覽五峰山之南地當巽維而適踞清江藥溪巴渡麟溪四水之勝議置浮圖七級以肖木星以象文筆經始未幾旋即罷去道光壬辰余復繼來守郡蓋去張公建議之時逾六十年矣先是蜀人姒大令權息邑宰鼓舞紳庶僅甃七層之二歲且不登土功亦輟甲午弋陽陳君捧檄茲土禾黍有秋乃銳意成之民志既同士氣亦奮是秋踏省門者四十餘人而來鳳李生鴻駒途褒然獲雋誰謂堪輿之不可信也耶抑余聞之塔廟之作原

於釋氏信心皈依如無量功德是役也無佞佛之作有
作人之美張公所竭蹙從事而力有未逮者不能不有
待於後之人至於民俗之隱賑文物之玢幽無不蒸蒸日上而有開必先行且見科名之聯翩而起也亡司事
者朱明經榮祿李茂才大魁以記來請余樂觀厥成因
不辭而記其緣起如此云

石通洞記

寶祐元年歲在癸丑郡太守潼川王次疇待親遊木杪
仙人洞約貳車開封趙與端郡從事重慶焦震雷清江
施南府志

卷之二十七 藝文

七

令忠南青陽龍孫法曹掾眉州蔡昌文偕行洞府窈深
奇怪不類人間世親年八十歲步履如飛觀者屬目莫
春十有二日

協署新立桅記

山 山

道光乙未秋昌奉委署理施南協篆素悉施陽迺歸巴之咽喉黔蜀之要路湘南之鎖鑰在在均關緊要號爲難治之區且六邑土俗雖久服王化而強悍之風亦難保其必無如王松廬先生詩不云乎其處巖疆資控制殖禾除莠任非輕之句是以於蒞任後訪查各邑之形勢兵民之安恬若以恩威並濟庶可保其無虞矣近來營伍稍形闕茸技藝半屬平庸得毋將領平素不甚講求所致與第思將帥之道首重教養利弊之途端賴稽施南府志卷之二十七 藝文

亥

費果能正已率人無不踴躍急公更在同寅協恭方可克勸上理子亦有經言云肅清惟仗同寅好安靖縱然運親開之句力行數月後頗見成效大有起色闔營鼓舞氣象歡騰遠近欣望焉復查協署衙門係闔府之觀瞻軍民之仰止不可不壯威儀以資統率以期順吉自國朝改設營制以來膺斯任者鮮見順利子公餘之暇閱歷週圍風土形勢並詢諸兵民耆老均言相傳協署乃係船形若以船形而論非樹立桅帆不得快駛彼時滿擬興工建立惟因署事人員未便貽後人褒貶竊揣

如得補授斯職再行勅建未爲遲也大凡否極泰來天道徃復必待其時以興今果蒙

聖慈實授協鎮不能不踐前言曾於未履任之先函商中閫胡小子左營守戎張雲安右營守戎張鳳池做照規模擇吉興工前後樹立挽燈三株昭合形勢以培風水人事天心兩相際會體制一新局面宏敞庶幾立千萬年之福基也是爲記時道光二十年十二月朔日

施州食物

岱昌

黃柑釀三絕人或稱建康山中玉浮梁寒醅滿秋缸豈
 有青田核激灑玻璃光加之麴秀才苞谷成碧香飽穀
 寒菱翳秋沍采掇勝園蔬用以調羹美龍孫堪比初此
 味有誰識香脆登庖厨那須參玉版頓食過彫胡菱白
 燕地出黃芽神品自古崇又有箭桿白不敵瓢兒菘種
 類益希奇乃如繡毬同土脈會膏腴秋深青叢叢繡毬白菜
 山中產野菌鮮肥勝丁頰或有如蓮窠或有如松毬總
 不踰禽芝采擇可滿簞味濃價更廉此品恒易售詳册

施南府志

卷之二十七

藝文

辛

聞考山海經景山多諸蕪又閱搜神記蘭香出薯蕷若
 遇脚板形但食莫過慮齋素亦充腸實有釀酒處脚板薯蕷
 服食淮南方力竭成豆醋雖襍藜藿蔬猶用乾坤磨若
 以石膏調菽乳何為錯原來小宰羊土語偏添情蠟豆腐